



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 813. Usque Ad Annum 859

Fleury, Claude

August. Vind. [u.a.], 1760

VD18 90117867

§. 15. Concilium Romanum.

urn:nbn:de:hbz:466:1-66103

Sæculum IX. jam dudum eandem palmam consequi ar-
 A. C. 853. dentissimis votis expeteret, sequente no-
 cte Monasterii limen furtim egressa Cor-
 dubam pergit, mane Judici se fistit, &
 capite truncatur decima nona Septem-
 bris. Corpus in fluvium projectum &
 inde ereptum ad S. Eułaliam juxta cor-
Mart. Rom. pus S. Columbae sepelitur. Ecclesia ve-
 17. & 19. ro SS. Martyres illa, qua passæ sunt die,
Sept. colit.

§. XV.

Concilium Romanum.

Anast. to. 8. Sub finem ejusdem anni Leo Papa IV.
Cons. p. 101. Romæ in Basilica S. Petri Concilium
 113. celebravit sexaginta septem Episcopo-
 rum, ex quibus quatuor, nempe, Jose-
 phus Episcopus Eporediensis, Nottingus
 Brixiensis, Petrus Spoletanus & Petrus
 Arretinensis ab Imperatore Lothario
 missi fuere. Joannes Archiepiscopus Ra-
 vennas misit Diaconum nomine Paulum,
 qui suo nomine interesset. Convene-
 re autem Patres die octava Dec. Indi-
 cione secunda, anno Pontificatus Leo-
 nis IV. septimo, Imperii Lotharii trige-
 simo septimo, Ludovici filii ejus quin-
 to, seu anno Reparatæ Salutis octingen-
 tesimo quinquagesimo tertio. Primo
 Nicolaus Diaconus Sermonem Pontifi-
 cis ad Patres Concilii directum legit,
 cui postquam Benedictus Diaconus no-
 mine

mine Episcoporum respondisset, promul- Sæculum IX.
gati sunt Canones quadraginta duo, quo- A. C. 853.
rum triginta octo ex Concilio Eugenii II. *Sup. lib.*
Papæ (*) anno octingentesimo vigesimo *XLVII.*
sesto celebrato repetuntur cum quibus- §. II.
dam additionibus. Quatuor ultimi Ca- c. 39.
nones in hoc Concilio conditi præci-
piunt, ut superfluus numerus Presbyte-
rorum, a vicinioribus Episcopis ordina-
torum, qui Romæ versabantur, minuere-
tur, cum eorum pars tertia Ministerio
peragenda sufficeret. Omnes Presby- c. 40.
teri Civitatis, & Rurales Synodum Epi-
scopi sui adire teneantur. Laici Presby-
teros ex alia Diœcesi evocatos suæ ditio- c. 41.
nis Ecclesiis sine consensu Episcopi Diœ-
cesani sub pœna excommunicationis Lai-
co, & depositionis Presbytero intenta-
ta non præficiant. Nec etiam Abba- c. 42.
tes aut alii Patroni Ecclesiastici id præ-
sumant, quia Presbyteri a nemine in of-
ficio constitui possunt, nisi ab illo, cui
competit, illos ordinare & corrigere er-
rantes, nempe, Episcopo suo.

Oo 5

In

(*) In Inscriptione illius Concilii legitur: *Eugenius Sanctissimus ac ter Beatus & universalis Papa &c.* Alius est sensus in voce, *universalis Papa*, ac in voce: *universalis Episcopus, seu Oecumenicus*; sed & raro etiam vox *Papa universalis* occurrit.

Sæculum IX. In eodem Concilio depositus est A.
A. C. 853. nastasius Presbyter Cardinalis Ecclesiae
Romanæ Tituli S. Marcelli. Is per quin-
quennium relictæ Roma in Diœcesi Aqui-
lejensi versabatur, quem Papa quater per
litteras monitum in duobus Conciliis
ob culpam inobedientiæ excommunica-
verat. Tum Papa Ravennæ apud Impe-
ratorem Ludovicum juniores commo-
rans, obtinuit ab eo Mandatum ad Ana-
stasium Presbyterum directum, quo ad
Ecclesiam suam redire jubebatur, atque
Episcopo Brixiensi & Comiti Adalgiso
præcipiebatur, ut eum reduci curarent.
Elapsa die ad redditum præstituta eum
Pontifex Episcopis consentientibus ana-
themate percussit. Ravenna deinde Ro-
mam reversus, cum sciret Anastasium
usque Clusium in Thuscia venisse, mis-
sis ad eum tribus (*) Episcopis ad Con-
cilium decima quinta Nov. eodem anno
853. celebrandum vocavit. Ille iterum
mandata contempsit.

Itaque Pontifex in hac Synodo octa-
va die Dec. Epistolam, in qua dicta om-
nia

(*) Addam hic Natalis Alexandri brevem
Reflexionem: *Maximam jam tunc fuisse Car-
dinalium Dignitatem cogita, cum tres Episco-
pi Cardinalem ad Synodum Canonice vocaturi
mittantur. Sed ad Residentiam Cardinales ob-
tigatos fuisse inde collige.*

nia referebantur, recitari jussit. Tres Sæculum IX.
quoque Episcopi ad Anastasium missi, A. C. 853.
quid egissent, retulerunt, & mandata,
quæ ferebant, lecta. Tum Papa ex E-
piscopis ab Imperatore missis quæsivit,
cur hunc Presbyterum, ut sibi manda-
tum fuerat, non sisterent, qui responde-
runt, eum a se inveniri non potuisse. Tan-
dem ex sententia totius Concilii, & se-
cundum Canonem tertium Antioche-
num (*) Presbyter Anastasius deponitur,
atque huic Decreto Papa, Ludovicus
Imperator, Episcopi præsentes quinqua-
ginta novem, absentium Legati octo,
Presbyteri viginti, & Diaconi Ecclesiæ
Romanæ sex subscribunt.

*Sup. Lib.
XII. §. 12.*

§. XVI.

Leopolis conditur.

Civitas Centumcellensis annis jam pro-
pe quadraginta deserta dirutis mœ-
nibus patebat incursibus Saracenorum;
unde incolæ in lucos & montes se rece-
perant timidi & belluarum instar erran-
tes. Leo Papa commiseratione motus
illo se conferens locum commodum ad
condendam civitatem quæsivit; quo in-
de duodecim millibus in monte inven-
to,

Anast.

(*) Hic nota, quanta Romæ in Synodo
Summo Pontifice præsidente Canonum in Con-
cilio Provinciali editorum Reverentia fuerit.